



Nta muyisilamu n'umwe utawaza agatunganya isuku ye neza, hanyuma agahaguruka agasali raka ebyiri, azishyizeho umutima we n'uburanga bwe bureba Qiblat, usibye ko ari itegeko kuri we kuzinjira mu ijuru

Hadith yaturutse kwa Uq'bat Ibun Amir (Imana imwishimire) yaravuze ati: Twajyaga tujya ibihe byo kuragira ingamiya, ubwo ari njye wari utahiwe njyayo nimugoroba, nsanga Intumwa y'Imana (Imana iyihe amahoro n'imigisha) ihagaze iganiriza abantu, nsanga igeze aho ibabwira iti: "Nta muyisilamu n'umwe utawaza agatunganya isuku ye neza, hanyuma agahaguruka agasali raka ebyiri, azishyizeho umutima we n'uburanga bwe bureba Qiblat, usibye ko ari itegeko kuri we kuzinjira mu ijuru." Uqbat yaravuze ati: Nuko ndavuga nti: Mbega ukuntu ari byiza! Numva undi muntu aravuze ati: Ibyabanje nibyo byari byiza kuruta ibi, ndebye mbona ni Umar maze aravuga ati: Mbonye uje nonaha, aranavuga ati: Nta muyisilamu n'umwe utawaza agatunganya isuku ye neza, yarangiza akavuga ati: ASHAHADU AN LA ILAHA ILA LLAH WA ANA MUHAMADAN ABDULLAH WA RASULUHU: Ndahamya ko nta yindi mana ikwiye gusengwa by'ukuri uretse Allah, ndanahamya ko Muhamad ari umugaragu wa Allah n'Intumwa ye, usibye ko afungurirwa imiryango umunani y'ijuru, akinjirira mu wo ashatse."

[Hadithi y'impamo] [Yakiriwe na Muslim]

Intumwa y'Imana (Imana iyihe amahoro n'imigisha) ubwo yari iri kuganiriza abantu, yagaragaje ibintu bibiri by'ingenzi: Icyamba mbere: Ko umuntu utawaje agatunganya isuku ye neza mu buryo bwuzuye, ndetse na buri rugingo akarukwiza amazi yarangiza akavuga ati: ASHAHADU AN LA ILAHA ILALLAH WA ANA MUHAMADAN ABDULLAH WA RASULUHU: Ndahamya ko nta yindi mana ikwiye gusengwa by'ukuri uretse Allah, ndanahamya ko Muhamad ari umugaragu wa Allah n'Intumwa ye, usibye ko afungurirwa imiryango umunani y'ijuru akinjirira mu wo ashatse. Icyamba kabiri: Nuko umuntu utawaje neza mu buryo bwuzuye, hanyuma yarangiye agasali raka ebyiri azishyizeho umutima anibombaritse n'uburanga bwe n'ingingo ze zose kubera Allah, biba ari itegeko kuzajya mu ijuru.

النجاة الخيرية
ALNAJAT CHARITY

